



جدوال قمبراچان خطبه جمعة سيري 4/ 2022 (Bulan April 2022)

تاريخ	تاجوق	ب
1.4.2022M/ 29 Syaaban 1443H	قرسياقن برتمو فيستا عبادة	1.
8.4.2022M/ 6 Ramadhan 1443H	هوتغ (انتارا دوسا دان فاهلا)	2.
15.4.2022M/ 13 Ramadhan 1443H	نزول القرآن: تيتيق برمولاڻ قرومين	3.
22.4.2022M/ 20 Ramadhan 1443H	مرايه كنجرن برکندا	4.
29.4.2022M/ 27 Ramadhan 1443H	رمضان منمتکن قرهماءن ديري	5.
خطبه کدوا		



فرچيتقن ديباياهي :
زكاة فولاو فينغ
تليفون : 04-5498088

Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Meraih Ganjaran Berganda

(22 April 2022M / 20 Ramadhan 1443H)

نَحْمَدُ اللَّهَ تَعَالَى سُبْحَانَهُ الْقَائِلَ: لَيْلَةُ الْقَدْرِ خَيْرٌ مِنْ أَلْفِ شَهْرٍ ۝
وَنُصَلِّي وَنُصَلِّمْ عَلَى سَيِّدِنَا مُحَمَّدٍ خَيْرِ الْبَشَرِ، الْقَائِلِ: يَلَّهُ فِيهِ لَيْلَةُ خَيْرٍ مِنْ أَلْفِ
شَهْرٍ وَعَلَى آلِهِ وَصَحْبِهِ الَّذِينَ كَانُوا يَتَحَرَّوْنَ لَيْلَةَ الْقَدْرِ، وَعَلَى التَّابِعِينَ وَتَابِعِيهِمْ
إِلَى يَوْمِ الْحَشْرِ.
أَمَّا بَعْدُ: فَيَا أَيُّهَا الْإِخْوَةُ الْكَرَامُ: أَوْصِيكُمْ وَنَفْسِي بِتَقْوَى اللَّهِ عَزَّوَجَلَّ، وَبِالْاجْتِهَادِ
فِيمَا تَبَقَّى لَكُمْ مِنْ أَيَّامٍ وَلَيَالِي رَمَضَانَ الْمُبَارَكِ، فَلَا أَعْمَالُ بِالْخَوَاتِيمِ.

SIDANG JUMAAT YANG DIKASIHI ALLAH SWT,

Khatib bepesan kepada diri sendiri serta para jemaah sekalian, bertakwalah sekalian kamu kepada Allah dengan sebenar-benar takwa. Janganlah kamu mati melainkan dalam keadaan Islam. Pada masa yang sama, marilah kita tingkatkan ketakwaan kepada Allah dengan melakukan segala suruhan-Nya dan menjauhi segala yang ditegah-Nya. Mudah-mudahan dengan asbab ketaatan dan ketaqwaan kita kepada Allah سُبْحَانَهُ وَتَعَالَى, segala bala dan ujian yang segera diangkat oleh Allah.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Tajuk khutbah pada hari ini ialah **“Meraih Ganjaran Berganda.”**

HADIRIN SEKALIAN,



Kita sudah memasuki fasa yang terakhir di dalam Ramadan. Kedatangan Ramadan pada tahun ini merupakan suatu rahmat bagi kita semua umat Nabi Muhammad ﷺ. Lebih-lebih lagi, dalam fasa yang terakhir ini terdapatnya satu malam yang tidak ternilai ganjarannya yang dinamakan Lailatul Qadar. Mudah-mudahan, di sepuluh malam-malam terakhir ini kita dapat memenuhi dengan pelbagai amalan seterusnya terpilih menikmati malam al-Qadr.

Dari segi bahasa, *al-Lail* membawa maksud apabila tenggelamnya matahari sehingga terbitnya fajar atau berlawanan dengan siang hari. Manakala, al-Qadr pula memberi maksud kemuliaan atau hukum dan ketetapan. Oleh itu, kebanyakan ulama berpendapat bahawa Lailatul Qadar merupakan malam yang mulia, diberkati, diagungkan dan mempunyai banyak kelebihan yang perlu direbut dan tidak disia-siakan dengan begitu sahaja.

Ini ialah malam yang istimewa sebagai ganjaran kepada umat akhir zaman yang usianya lebih pendek berbanding umat-umat terdahulu. Sepertimana yang terakam dalam surah al-Qadr ayat pertama hingga ketiga;

أَعُوذُ بِاللَّهِ مِنَ الشَّيْطَانِ الرَّجِيمِ

بِسْمِ اللَّهِ الرَّحْمَنِ الرَّحِيمِ

إِنَّا أَنْزَلْنَاهُ فِي لَيْلَةِ الْقَدْرِ ﴿١﴾ وَمَا أَدْرَاكَ مَا لَيْلَةُ الْقَدْرِ ﴿٢﴾ لَيْلَةُ الْقَدْرِ خَيْرٌ مِّنْ أَلْفِ شَهْرٍ ﴿٣﴾

Maksudnya: “Sesungguhnya kami telah menurunkan (al-Quran) pada malam kemuliaan. Dan tahukah kamu apakah malam kemuliaan itu? Malam kemuliaan itu lebih baik daripada seribu bulan.”

Merujuk kepada ayat ini, Syeikh al-Maraghi mentafsirkan bahawa malam tersebut adalah saat kemunculan sinar petunjuk, hari permulaan bagi agama baru yang diturunkan kepada seseorang yang terbaik dalam kalangan seluruh manusia di muka bumi ini. Selain itu, malam tersebut juga adalah batu asas agama Islam yang menjadi penutup kepada seluruh agama para Nabi. Ini kerana,



sebelum itu masyarakat Arab jahiliyyah hidup dalam kegelapan syurga dengan menyembah berhala.

SIDANG JUMAAT YANG DIRAHMATI ALLAH,

Seharusnya kita berusaha sebaik mungkin untuk mendapat ganjaran di sebalik penurunan Lailatul Qadar. Allah **سُبْحَانَهُ وَتَعَالَى** menganugerahkan keberkatan, kerahmatan, keampunan dan kemuliaan kepada hamba-hamba-Nya yang beribadah dengan penuh khusyuk, ikhlas dan semata-mata mengharap keredhaan-Nya. Seperti mana yang terdapat dalam sebuah hadis Riwayat Imam al-Bukhari, daripada Abu Hurairah **رَضِيَ اللَّهُ عَنْهُ**, Rasulullah **صَلَّى اللَّهُ عَلَيْهِ وَسَلَّمَ** bersabda :

مَنْ قَامَ لَيْلَةَ الْقَدْرِ إِيمَانًا وَاحْتِسَابًا، غُفِرَ لَهُ مَا تَقَدَّمَ مِنْ ذَنْبِهِ

Maksudnya: “Sesiapa yang menghidupkan malam al-Qadr dengan penuh keimanan dan mengharap ganjaran berserta keampunan, nescaya akan dihapuskan dosa-dosanya yang terdahulu.”

Oleh itu, amatlah malang dan rugi sekiranya kita diberikan peluang oleh Allah **سُبْحَانَهُ وَتَعَالَى** untuk bernafas dan bertemu di bulan Ramadan, namun mensia-siakannya dengan perbuatan dosa dan maksiat.

SIDANG JUMAAT YANG DIRAHMATI OLEH ALLAH,

Pada ayat ketiga Surah Al Qadr **سُبْحَانَهُ وَتَعَالَى** berfirman yang bermaksud: *“Malam kemuliaan itu lebih baik daripada seribu bulan.”*

Ganjaran yang besar pada Lailatul Qadar diterjemahkan dengan penggunaan kalimah malam yang lebih baik daripada seribu bulan. Ini kerana, angka seribu mengikut kebiasaan bangsa Arab pada waktu itu dikira sebagai suatu jumlah yang besar. Oleh itu, lafaz seribu di sini adalah simbolik sahaja bagi menggambarkan ganjaran pahala yang sangat besar menanti. Allah **سُبْحَانَهُ وَتَعَالَى** berfirman dalam surah al-Baqarah ayat 96 yang bermaksud:

“Tiap-tiap seorang daripada mereka suka kiranya dia boleh hidup seribu tahun.”



Berdasarkan pandangan Imam al-Qurtubi, Lailatul Qadar mempunyai kelebihan kerana banyaknya keistimewaan. Malah, kebanyakan ulama dan ahli tafsir berpendapat amalan yang dilakukan pada malam al-Qadr lebih baik daripada seribu bulan yang tiada padanya malam al-Qadr.

HADIRIN SEKALIAN,

Antara hikmah dirahsiakan waktu yang tepat berlakunya Lailatul Qadar adalah agar manusia sentiasa bersungguh-sungguh beribadah untuk meraih ganjaran yang terdapat pada malam tersebut. Pelbagai amalan dapat dilakukan di sepuluh malam terakhir Ramadan. Antaranya dengan mengimarahkan rumah Allah melalui solat fardhu secara berjemaah, menuntut ilmu agama, melakukan solat sunat tarawih yang hanya terdapat di bulan Ramadan serta memperbanyakkan waktu untuk beriktikaf¹ di masjid.

Kita juga perlu memperbanyakkan amal-amal soleh seperti membaca, bertadarus dan mentadabbur serta menghayati makna al-Quran. Ini kerana, al-Quran itu sendiri diturunkan di bulan Ramadan. Selain itu, kita dituntut memperbanyakkan istighfar dan zikir kepada Allah, bersedekah seikhlas hati serta memberikan sumbangan kepada golongan yang memerlukan.

Rasulullah ﷺ sangat menggalakkan umatnya memburu Lailatul Qadar pada sepuluh malam terakhir Ramadan. Baginda sendiri bertungkus lumus mengerjakan ibadah pada malam-malam tersebut. Hal ini sebagaimana yang diriwayatkan oleh Imam Ahmad daripada Aisyah رَضِيَ اللَّهُ عَنْهَا:

**كَانَ رَسُولُ اللَّهِ ﷺ
يَجْتَهِدُ فِي الْعَشْرِ الْآخِرِ، مَا لَا يَجْتَهِدُ فِي غَيْرِهِ**

Maksudnya: “Adalah Rasulullah ﷺ berusaha bersungguh-sungguh (beribadah) pada sepuluh akhir (Ramadan) melebihi kesungguhannya pada bulan-bulan yang lain.”

SIDANG JUMAAT YANG DIRAHMATI ALLAH,

¹ Sekiranya SOP terkini membenarkan

Selain ibadah puasa di bulan Ramadan yang mulia ini, kita juga diwajibkan untuk mengeluarkan zakat fitrah. Amalan ini merupakan zakat badaniah yang telah disyariatkan pada tahun kedua Hijrah bagi setiap Muslim untuk melaksanakannya dalam tempoh bermula 1 Ramadan sehingga sebelum dilaksanakan solat sunat Aidilfitri.

Sekiranya ibadah puasa pada waktu ini mengajar kita erti kesabaran, kesusahan dan kelaparan, maka zakat fitrah mendidik kita supaya mengasihi saudara yang berada dalam kesusahan dan mensyukuri nikmat rezeki, menjauhi sifat bakhil dan takbur dengan harta yang dimiliki kerana semuanya adalah pinjaman daripada Allah **سُبْحَانَهُ وَتَعَالَى**.

Janganlah kita bersikap menanggung-nangguh untuk melaksanakan pembayaran zakat fitrah untuk diri dan keluarga. Laksanakan ibadah ini kepada amil-amil yang dilantik secara sah oleh Zakat Pulau Pinang di seluruh masjid, surau dan lokaliti tumpuan masyarakat di seluruh negeri Pulau Pinang.

MUSLIMIN YANG DIMULIAKAN ALLAH **سُبْحَانَهُ وَتَعَالَى,**

Sebagai kesimpulan, marilah kita bersama-sama menghayati intipati daripada khutbah yang dibacakan tadi:

1. Lailatul Qadar merupakan malam yang dirahsiakan oleh Allah **سُبْحَانَهُ وَتَعَالَى** agar manusia berusaha menggandakan amal ibadat terutamanya di sepuluh Ramadan yang terakhir.
2. Gunakan kesempatan di bulan Ramadan yang masih berbaki beberapa hari lagi ini untuk mendapat keampunan Allah. Boleh jadi ini merupakan Ramadan yang terakhir buat kita.
3. Tunaikanlah zakat fitrah kepada kepada amil-amil yang dilantik secara sah oleh Zakat Pulau Pinang sebelum solat sunat Aidil Fitri.



Firman Allah dalam surah Ad- Dukhan ayat 3:

إِنَّا أَنْزَلْنَاهُ فِي لَيْلَةٍ مُبَرَّكَةٍ إِنَّا كُنَّا مُنذِرِينَ ﴿٣﴾

Maksudnya: “Sesungguhnya Kami telah menurunkan Al-Quran itu pada malam yang berkat; (Kami berbuat demikian) kerana sesungguhnya Kami sentiasa memberi peringatan dan amaran (jangan hamba-hamba Kami ditimpa azab).”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.





KHUTBAH KEDUA BULAN APRIL

2022M/ 1443H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحَاشِيهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَاعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ، الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعَنَائِكَ وَتَوْفِيقِكَ عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Al-Sultan Abdullah Ri'ayatuddin Al-Mustafa Billah Shah Ibni
Almarhum Sultan Haji Ahmad Shah Al-Musta'in Billah dan Kebawah



Duli Yang Maha Mulia Seri Paduka Baginda Raja Permaisuri Agong,
Tunku Hajah Azizah Aminah Maimunah Iskandariah Binti Almarhum Al-
Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul
Razak, Yang di-Pertua Negeri Pulau Pinang.

اللَّهُمَّ اذْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ
الْفِتَنِ مَا ظَهَرَ مِنْهَا وَمَا بَطَنَ عَنِ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ
عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ
الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾

